

Asuncion: «Presoei min egiten die sakabanatuta egoteak»

Corcuera ustez «preso askok uste du hau amaitzen ari dela»


Antoni Asuncion Espetxe Erakundetako arduradunak eta Jose Luis Corcuera Barne ministroak aipagai izan dituzte preso eta abokatuen arteko elkarriketarak eta Gorostiza abokatuaren espetxeratzea. «Presoei min egiten die sakabanatuta egoteak», esan zuen Asuncionek.

DONOSTIA

Antoni Asuncion Espetxe Erakundetako arduradunak euskal presoan sakabanaketa politikari buruz hitz egin zuen herenegun Murtzian. «Presoei min egiten die espetxe ezberdinetan sakabanatuta egoteak», adierazi zuen Asuncionek Efe agentziak jaso zuenez. Arrazoi horregatik, Espetxe Erakundeak sakabanatzeak ahaleginak egiten dela azaldu zuen Asuncionek.

Asteazkenean atxilotutako abokatuen aferari dagokionez, «bageneuzkan susmoak egiten ari zirenez», esan zuen Asuncionek. Martuteneko espetxeko funtzionari baten kontrako atentatuaren ostean, segurtasun neurriak areagotu egin direla eta atentatu bat jasateko arrisku gehien dutenak babesteko direla jakinarazi zuen Espetxe Erakundetako arduradunak.

Jose Luis Corcuera El Salvadorren zegoen joan den ostira-lean, bertako Gobernuarekiko polizi lankidetzaz aztertzeko. Presoen abokatuak «ez dute beren lanbideari dagokion zeregina betetzen, beste bat baizik», adierazi zuen Barne ministroak.



Antoni Asuncion, Espetxe Erakundetako arduraduna.

EFE

✓ **Corcuera: «Ez dut esango desegite prozesu batean daudenik, baina ez dirudi abokatu horrek burutu nahi zuenaren aldeko direnik».**

MAYOR OREJAREN ADIERAZPENAK

Grabatutako elkarriketei buruz, ondorio bat azpimarratu zuen Corcuera ministroak: «Preso askok uste dute honek (indarkeriak) amaitu behar duela». «Ez dut esango», gaineratu zuen, «desegite prozesu batean daudenik, baina ez dirudi abokatu horrek burutu nahi zuenaren aldeko direnik».

Jaime Mayor Oreja PPko Euskal Autonomi Elkartearen lehendakaria

dakariak atzo adierazi zuenez, «terroristen bergizarteratze politika ez da eraginkorra une hauetan». Bere alderdia Madrilen egiten ari den XI. Biltzarrean Mayor Orejak bergizarteratze estrategiak banan-banan aztertu behar direla azaldu zuen, odolezko delituak eta beste motatakoak bereizi behar direla gaineratuz. PP terrorismoarekin zerikusia duten presoek kartzela zigorrak osorik betetzearen alde dagoela errepikatu zuen Mayor Orejak.

Aulestia: «EA-EUEk irabaziko ditu hauteskundeak Gipuzkoan»

DONOSTIA

Udazkenean egingo diren hauteskundeetan EA-EUE koalizioak Gipuzkoan irabaziko duela adierazi zuen atzo Kepa Aulestia Euskal Ezkerreko parlamentariak. Irunen egindako ekitaldi politiko batean, EA-EUE koalizioa dagoeneko herrialde honetan lehen indarra dela azaldu zuen, «Earen boto intentsioak eta EUEren boto intentsioak lehen postuan jartzen gaituelako».

Tradizioz Euskadiko Ezkerrera joan diren botoak EUEk defenditzen duen proiektura hurbilduko direla aldarrikatu zuen baita ere Aulestia. Bere esanetan, EUE da «bertako ezker batean sinetsi eta Soltxagaren gainetik pasatuz bertatik erabakitzen duena». Honetaz gain, bere alderdiak autogobernua defenditu, eta korrupzioa eta politika bakoitzaren onerako erabiltzea salatzen zuela agertu zuen EUEko parlamentariak.

Betidanik EEK jaso duen botoa oraingoan bere alderdira joango dela iragarri zuen Aulestia. «Ez da joango Guerraren alderdira, aberats berrien alderdira». EE izenarekin jarraitu dutenak 60 per-

tsona izan direla adierazteaz gain, ezkerreko milaka lagunen siglak bereganatu dituztela salatu zuen.

Euskal Herriak bizi duen egoera oso kezagarritzat jo zuen Aulestia. «Azken hila-beteetan izan dugun albiste on bakarra Gipuzkoako Aldundian lorturiko aurrekontuen akordioa izan da. Hortaz aparte dena gaizki joan da, eta egoera hain larria izanik hurrengo hauteskundeetan aldaketa nabari bat ematen ez bada guzti honek maldan behera segituko du». Aldaketa EA-EUEren eskutik etor daitekeela adierazi zuen.

EJ-REN JARRERA SALATU

Eusko Alderdi Jeltzaleak izen horri eutsi nahi badio bere politika aldatu eta benetako abertzaletasuna erakutsi behar duela esan zuen Aulestia. «Ezin daiteke izan abertzalea bakarrik euskaraz hitz egiterakoan edo batzoki berriak zabaltzerakoan».

Egunero abertzale gisa aritzeak autogobernua garatzea eta euskal herriarrek jartzen dituzten mugetaraino iristea eskatzen duela aldarrikatzeaz gain, hori gehiago abertzale batekin lor daitekeela azaldu zuen EUEko agintariak.

Beste pasarte bat

DONOSTIA

■Txemi Gorostiza eta Arantza Zulueta abokatuak grabatutako elkarriketarako pasarte berri bat eman zuten ezagutzera atzo zenbait komunikabideek. 'El Mundo' egunkariak Arantza Zulueta abokatu eta Esteban Esteban Nieto presoaren arteko elkarriketaren baten transkripzioa (gaztelaniaz) eskaini zuen atzoko edizioan. Elkarriketaren parte bat euskaraz izan zen eta bertatik Euskadi Irratiak esaldi batzuk eskaini zituen.


'El Mundo' egunkariko testuan, Esteban Esteban Nieto presoaren egonezina agertzen da. Presoen kolektiboa «hausten» ari delako eta presoaren frontearen ezean egiten ez delako sententzia du

presoak, eta abokatuak saiatzen da azaltzen egoera ez dela hain katastrofista. «Minimoak jartzen ez badituzu, bakoitzak Pancho Villaren ejerzitoan bezala indabak bere aldetik bilatzen ditu», dio Esteban Nietok. «Hori ez da gertatzen ari», ihardetsi dio Zulueta. Aurrerago honako pasarteak aipa daiteke:

«Hemen ez dago linearrik. Hemen helburu bakarra dago: argazki bat ateratzea denak elkarrekin», dio Estebanek. «Hori ez da egia», diotso Zulueta eta «Liberazio prozesua aurrera eramatea», gaineratzen du.

Elkarriketaren beste une batean, presoaren kolektiboa bezala, askapen prozesua «garaituta» dagoela adierazi zuen Esteban Nieto presoak.

93ko ezkongaiak



BIKOTE SARITUAREN TZAT ERREGALIAK 93KO EZKONGAIEN LEIHAKETA

ERREGALIAK

SENARGAIAREN JANTZIA
ANDREGAIAREN JANTZIA
ERAZTUNAK ETA ZILARREZKO 13 EZKON DIRU
EZTAI EGUNERAKO CAVA
SUKALDERAKO MAHIA ETA 4 AULKI
EROSKETA TXARTELA
ARGAZKI ERREPORTAIA
PALMA DE MALLORCAREN BIDAIA
EROSKETA TXARTELA

ETXEAK

AUZMENDI JOSTUNDEGIA (Donostia)
BAYON (Donostia)
KAREAGA (Eibar)
CODORNIU
IKER (Mondragón)
SOFAS LANDETA (Azpeitia)
FOTOKAI (Donostia)
EROSKI BIDAIAK (Donostia)
GANZARAIN HALTZARIAK (Azkoitia)

ZOKETA: OTSAILAREN 26an

1994ko Martxoaren 31 baino lehen ezkontzeko asmotan bazara, bete orri hau eta bidali ezazu Otsailaren 26a baino lehen LOIOLAKO HERRI IRRATIA 93KO EZKONGAIK - 20720 AZPEITIA (GIPUZKOA) helbidera.

SENARGAIA

(izen deiturak)

(helbidea)

(herria)

(telefonoa)

ANDREGAIA

(izen deiturak)

(helbidea)

(herria)

(telefonoa)

Ezkontza eguna (gutxi gora behera)

HERRI Irratia



Radio POPULAR
GIPUZKOA